



ÅBO AKADEMI
UNIVERSITÄTENS
BIBLIOTEK

kat.komp.

59812



Mag. St. Dr.

Teol. 4252

*Olshynski Basili: Quaestio theologica de
vita Dei.*

Biblioteka Jagiellońska



stdr0001716

Quaestio Rheologica de vita Dei.

Wasyński Dawid



In Nomine Domini, Amen.

**QVÆSTIO
THEOLOGICA,**

DE

VITA DEI,

Ex Prima parte Summæ Theologiæ qu. 18.
D. THOMÆ Aquinatis, Doctoris Angelici

DESUMPTA:



QVAM

**M. BASILIVS
OLSZYNSKI,**

S. Theologiæ in Alma Vniuersitate Cracouiensi Pro-
fessor, Collega Maior, Ecclesiæ Collegiatæ S. FLO-
RIANI Clepardiæ ad Cracouiam Canonicus & Con-
cionator, Cancellarius Siradiensis, Curatus Na-
siechouicensis, Contubernij Sisiniæ Prouisor;

Publicè ad Disputandum,

In Celeberrima D. Iagellonis Aula,

PROPONET.

Anno Humanæ Salutis, 1691.

Die 29. Mensis Maj. Horâ 12.

CRACOVIÆ, Typis Vniuersitatis.

w.

Q V Æ S T I O T H E O L O G I C A.

V Vita, per quam creaturæ principium
• motus ex se ipsis habentes, in suo Esse
propriè constitutæ, & secundùm Esse intel-
ligibile, quod habent in Deo, Vitâq; Dei vi-
uunt: Deo immortalis perfectissima & emi-
nentissima tribuenda sit nec ne?

C O N C L U S I O I.

Creaturis, principium motus ex seipsis habentibus
Vita inest.

C O R O L L A R I A.

- I. *Gradus Vitæ nobilissimus & excellentissimus mouentibus se, est per intellectum.*
- II. *Bruta animalia quamvis ipsa sibi sui motûs finem non constituent; tamen à natura constitutum & inditum habent.*
- III. *Animalia medium gradum Vitæ obtinent.*
- IV. *Gradus vitæ ultimus conuenit plantis, quæ non per formam apprehensam, sed solùm à natura sibi inditam mouent se.*
- V. *Corpora inanimata, ut Elementa, Lapides, metalla, & alia, nullatenus vitæ prærogatiuâ gaudere possunt.*

C O N C L U S I O II.

Vita eorum, quæ viuere dicuntur in ipsorum Esse
est constituta.

C O R O L L A R I A.

- I. *Vita viuentium, est ipsum principium Substantiale operationum Vitaliû: Esse Intellectiuum principium intellectionû, & sic de alijs.*
- II. *Quàmuis dicatur vita quod sit alia Actiua; alia contempla-
tiua, hoc accipiendum est pro operationibus vitæ vnius, secun-
dùm diuersos habitus ad eas inclinantes delectabilibus.*
- III. *Vita æternæ Substantia, quoniam hic à nobis non potest per-
fectè cognosci, ideò per operationes cognoscendi Deum, sicuti est,
nobis manifestatur.*
- IV. No-

IV. Nomen vite principaliter impositum est, ad significandam substantiam eius cui vita competit.

V. Etiam vita quandoq; ad significandam operationem seu motum, quo seipsum viuens mouet deriuatur.

CONCLUSIO III.

Omnes Creaturæ secundum Esse intelligibile, quod habent in Deo, Vitâ Dei viuunt.

COROLLARIA.

I. Creatura in Deo viuere sunt dicenda, quatenus ab eo sunt scita.

II. Simpliciter veriùs & nobiliùs res habent Esse, in mente Diuina, quam in seipsis.

III. Quamuis Creaturæ moueri dicantur etiam in Deo, non tamen in ipso sunt motus, sicut sunt vita.

IV. Vitæ nostræ momenta, sub Dei nutu & regimine decurrunt.

V. Nostra Vita ad Deum, ut ad Authorem & conseruatorem referenda est.

CONCLUSIO IV.

DEO Optimo Maximo, qui solus habet immortalitatem, ipsi Vita perfectissima & eminentissima tribuenda est.

COROLLARIA.

I. Deus cum non dependeat ab aliquo, & sit actus simplicissimus, vitæ principium non habet.

II. Sicut DEUS est ipsum suum Esse, & suum intelligere: ita & suum quoq; est viuere.

III. DEVS viuere dicitur, secundum quod mouet se intelligendo.

IV. Motus autem ille est actus perfecti, semper actu existentis.

V. Quando Vita Deo tribuitur, non est intelligendum uniuocè cum Creaturis, sed secundum Analogicam rationem.

DEO Optimo Maximo Immortali, qui est Vita perfectissima, omnibus Creaturis dans vitam, ipse principium vitæ non habens, tamen vitæ humanæ principium & finis est; ipsi Honor & Gloria. Augustissimæ quoq; Cælorum Reginae Virgini Beatissimæ MARIÆ, Vitæ aternæ Genitrici, absq; originali labe conceptæ, Laus sempiterna, Diuis Tutelaribus Regni Poloniae & Academiae Patronis, præcipuè Diuo THOMÆ Aquinatis, Doctori Angelico, ac Diuo Patriarchæ Nostro IOANNI CANTIO, Archilycei huius Nostri Ocello ac Patrono, humilis in perpetuas aternitates semper Veneratio.

Vita hæc nostra, est vita dubia, vita breuis, quam dolores extenuant, ardores exsiccant, escæ inflant, ieiunia macerant, joci dissolunt, tristitiæ consumunt, sollicitudo coarctat, securitas hebetat, diuitiæ jactitant, paupertas deiicit, iuuentus extollit, senectus incuruat, infirmitas frangit, mœror deprimit, & post hæc omnia mors interimit, vniuersis gaudijs finem imponit, ita cùm esse desierit, nec fuisse putetur. S. August. in Original. super verba sequent. S. Iacobi.

Vita nostra præsens, est vapor ad modicum parens, Ep. S. Iacobi Cap. 4.



SVB FELICISSIMIS AVSPICIIS,
Magnifici, Perillustris, & Admodum Rñdi Domini,
D.M. FRANCISCI IOSEPHI
PRZE WOSKI,
S. Th: Doctoris & Professoris, Collegæ
Majoris, Ecclesiarum Collegiatarum, SS. Omnium
Crac: PRÆPOSITI, Scholastici Cureloviensis, ad S.
FLORIANVM Canonici, Korczyen: Curati, Librorum
per Diocesim Crac: Ordinarij Censoris, Canonizationis
Beati IOANNIS CANTII, Procuratoris, Contubernij
Hierosolymitani Provisoris,
ALMÆ VNIVERSITATIS CRACOVIENSIS,
Generalis, & Vigilantissimi
RECTORIS.





